



1	4
1555	
144	



門 14
號 1555
卷 144

嵩山集卷三

宋 朱翌 撰

元宵懷都城簡胡令俊民時胡連夕在告

天豁晴光合簷收雪汁乾燈期欣在候火令不爲難方
喜春風動猶憐暮色寒仙晨今夜樂帝所舊年觀郁郁
卿雲密葱葱瑞氣盤五門雙闕聳三島十洲攢風伯清
黃道鉤陳衛赤鸞聲流車水快花影燭龍蟠八望雲裳
舉低迷雜珮珊歌翻樓上下人與月團圓夜色清凝露
香風靜泛蘭陸蓮搖豔質湯鯉轉驚瀾故國雲天外家

嵩山集卷三

一知不足齋叢書

和 九
十 年
未

風楚俗完良時亦競作游興頗相干諸縣豐登際元戎
禮數寬輟耕來野父沽酒辨餘歡少問飛鳥客遙知道
室安樵青能笑語太白酌瀾漫要是弦堂宓何妨花縣
潘黃庭須默課燈錄不重看羨子閉門坐嗟子脚力殫
醉歸哦五字一一待公刊

南華五十韻

鄉里黃梅接家居祖刹鄰常聞肉身佛甘作磴坊人堅
有懸腰石空無拂鏡塵已春諸米熟自識本心真拄杖
敲頑質袈裟遶淨身衣傳千古信法待五年伸撥棹煩

師送投林避衆嗔風幡俱不動金瓦定非倫汝聽宐皆
諦吾一決可遵由茲開頓教爲世作良因葉墜雖歸本
煙斜不向新鈴聲鳴白塔霧氣走黃巾塑手藏衣襲閨
姝敗鉢脣全提諸佛印開盡一花春代代燈燈續塵塵
刹刹均性天南北合道德帝王親歌鼓昭陵日梯航外
國珍莊嚴及山谷賜予出金銀龍翥開飛帛春溫布縠
綸鎮安清淨境奔走護持神樓閣三千界香燈十二辰
蘇銘模妙墨柳記刻豐珉自昔炎荒地常容放逐臣流
人悲去越從者病居陳庚子何憂鵬春秋謾感麟足生

行路鬢眉結念親顰卜吐千瓶水官分十束薪九韶先
幸舜五嶺後通秦氣候今無瘴人情古亦惇何嘗踈壯
客賸喜預嘉賓鼓角催歸夢江湖動釣緝時花開有信
山果種生仁武水長懷古曹溪每問津端居七里郭相
望一由旬袍被來投宿聞鐘起及晨自憐終北向天遣
試南詢竟日雲垂地通宵雨濺茵橋橫一滴上省見五
方馴飛錫泉香發連山寶氣振杖尋桃竹把佩采楚蘭
紉大禮行郊次洪恩淡海濱稍寬三面網歸作再生民
甫里將收粟松江細煮葦橘懷工戲綵萱背更栽椿風

急圍雲絮霜清洗月輪治行今數日問信不嫌頻三宿
眞成戀諸寮且遍巡鬪茶誇顧渚羹芋說西岷寺有不
經舊誰知祖意諄持歸化嶺北大地免沈淪

送吏部張尙書帥成都一百韻

并序(案序跋從
成都文類補錄

己未九月有旨謀成都帥三省具所除人以聞皆不
許止命選在廷從臣以往衆未及對上曰得一人矣
吏部尙書張壽明練端方可當一面付以便宜勿從
中覆且命退與公議公見宰相願行不辭乃以十月
六日制下吳蜀相望一萬里水遡瞿塘灩澦陸走夔

以極天下之險有爲公言者公曰上用我何遠之辭
何險之畏退理舟楫行日甚近於是士大夫不問識
與不識皆謂公宜在朝廷不必往成都成都可他擇
才朝廷不可無公也御史中丞具以輿言白上夫內
重久矣一命以上皆以不得仕朝廷爲恨公卿出典
方面類若不得已者其進退用捨士大夫亦不甚留
意今公欣然承命無一毫難色而又得士論如此此
行有光矣蜀有兩張太守太宗時乖崖公仁宗時文
定公兩公名重一時爲人君所倚信在蜀最有惠愛

蜀人至今祠之今公姓同德又同名重一時爲天子
所倚又同惠愛所加能使人久而不忘懸知其必同
也旣行祖道西湖上朝士咸爲賦詩翌從公游將三
十年蒙公之知最深故爲詩千字敘公出處大槩且
使蜀人知公不減前兩張太守也紹興九年十月二
十五日序

一代亨衢上明公逸步超河東書具作圯下老相邀海
闊雲垂翼天清斗壓杓三人前鼎甲千佛仰孤鸞弟子
師尊董諸儒稱述蕭西崑收俊又東壁絕塵躡別乘將

離汴輕舟逕指茗湖山縱清美家國尚飄颻慟哭天傾
柱歸情戶見蛸奉祠投里開招隱向山椒竝海屯千衛
披榛拱百僚回鑾須故國負勒且今朝光列哀烏位星
馳封馬輅賢裾來接武陰沴自潛消香案依丹陛螭切
云紫霄飛鴻九天去歸鶴一聲嘹主上思圖舊王人促
見招起居還左史議論鄙南朝大呂聲揚遠元圭質匪
雕掖垣裁詔密禁路賜纓影滅澆圖興夏巡方首從姚
自南瞻析木直北望元枵玉海千尋浪江南五色鷄矯
如出塵隼凜若在秋鵬去國還追信利章豈易堯光華

司馬甲整頓路車偉國事煩參決廷詢得具條乘時笑
乾沒許國敢輕佻河洛干戈滿陵原草木焦青春深仗
節久雨更乘橈取道先轅楚揚旌轉渡瀟不坏藏萬世
九廟正三召遂使儀如漢將令樂奏韶路迷彪過迹澗
涸夜生潮去日春仍淺歸期暑正熇君王喜不寐天下
首方翹疏奏中無隱臣生苦不聊戴天那忍共得地豈
宏驕內治今當亟高名不敢要銓衡真有託啟事復何
遼道直咸推汲謀深豈計晁定非揮扇羽寧要插蟬貂
褒貶書方舉姦諛骨合銷懷開真坦坦燕處自天天當

寧西南顧常懷參井迢徧詢醫國效立遣愈民瘠文武
資兼稟詩書氣不怵衆皆可卻穀一以委張昭除目凌
晨下行裝卽日撩被攜猶刺刺涉遠乃條條帆影三江
水車聲萬里橋丈人峯律吼神女峽岩崑石室畫閣淡
草堂人寂寥山園玉壘峻水減石犀遙石表筍雙立銅
青柏未凋錦江喧士女藥市混仙樵劫墮乾坤壞流橫
海嶽漂惟茲井絡外依舊角弓昭自昔三刀夢多傳五
袴謠威餘巖僕射功說李文饒文定棠尤美乖崖福可
徵事今難悉數公亦豈其苗秦地新通棧瞿塘穩泛橈

虎鬣環外闔耨耜得深穠正可供壺弈隨宐列鼓簫蒲
鞭束高閣竹馬戲垂髫好閱相如賦終閒李廣刁奎文
天象轉延閣士林標此去廷無愈行聞衆選陶付之樞
極運咸仰太階霄賤子無三徑平生有一瓢老將書蠹
槁時作草蟲嚶大笑玉三則不求銀十腰古今同閱宙
南北信吹藻已類蜂黏網真成鹿覆蕉屢經多盜境幾
至獨身跳何處地堪避知誰戰敢挑月明三市鵲巢卜
一枝鷄釣瀨長烹鯉窮山飽聽鴉臨書池盡黑就局博
嫌么臂有七賢把丹亡九轉燒唯堪貫薜荔未肯掇芳

蘇賈藥難爭價爲農等富僑稍能羞野葛初未識江珧
已罷尋蠶駟欣聞退獨僑誰憐人爲米敢有意遷喬過
我深披藿追涼薄曳綃狐裘憐晏子縞帶與公僑挽引
煩推轂陶甄爲置窯清時容潦倒築府著芻蕘憶昨西
湖上隨公羽蓋飄青山迎晉屐綠水泛吳船上相尊仍
美將軍勇正驍道爭基屢覆壺響箭呈臬茶乳晴光發
香雲淨更翾晚花棲嫩菊近岸俯游鱗四望天連水羣
簪玉及瑤政親連榻坐倏見錫戈瑯良月霜楓冷佳晴
雪霰銷畱公已無策鼎食望加調

成都西南大都會承平分閫之重與河東北等元祐
初文潞公平章軍國重事三省議其目而成都除帥
預焉艱難以來獨此方兵旣不作封陞自固東捍秦
南蔽吳楚選帥之慎一倍疇昔宏也紹興己未詔以
吏部尚書番易張公出鎮朝士之文者咸賦詩送行
中書舍人朱公時在冊府旣以長篇述公出處大致
典麗閱遠且爲序數百言載上親擢之本旨尤謹且
備讀者曉然見廟堂西顧遠外爲之謀帥其密勿從
容蓋如此居無何朱公貽書於公曰曷刻之以慰邦
人異日甘棠之思乎於是蜀士夫咸悅而誦之且請
伐石志之而屬公之
峇仙井譚篆跋之

宣城書懷

高爽清涼郡登臨佳麗都上連三蜀重旁挾兩淮趨天
分光牛斗溪行走舳艫新林天際浦青草柳邊湖丁令

鶴歸晚琴高鯉疾驅高城布渠答近市表浮屠親具深
耕雨牛車富八租鐘魚廣教飯簫鼓敬亭巫禱請俱先
詣齋修必盡愚虔恭問杯琰疇昔夢擣蒲桃李萬家邑
魚鹽百賈區碁爭三品勝錢爲七郎輸湖上同皇甫樓
中記獨孤五雲裘可作天馬錦應無射的穿雲白蓮房
照水烏山精今及采鷹爪得同拘右史隸題榜太和存
漏壺剜牙虞吏像衣褐卯神圖蝎走收宵螯蜂謹保穴
雛泉甘黃蘗舊茶雋白雲諛幽寂谷雷馬凌歎舟若鳧
山登天柱石沙緩句溪蒲洞啟三天祕灘愁六刺迂輕

煙藏石女微雨浴花姑半夜笛聲起臨軒桂影敷謝公
亭別范孔子井猶涑舟起鷺前導橋橫龍未雩子安飛
遠近杜宇訴朝晡示爽歸田約懷冰灑篆娛白公謝霞
綺荀媪進彫胡神王能旁達心閒免外虞白龜飛入楚
赤馬棹通吳孤枕喧鬪鼠南亭聽蟋蟀貢先紅毯貴俗
尙褐袍麤蟬蛻裴丞相聰明陸大夫劉詩送拄杖班傳
出蒹蘆露柱從師指金杯受賜殊漢書國史法心要藏
經郭鮒活有奇術錦還眞夢驅苦心思懿老一鉢走元
孚潛隱大中主躬行外域膜儲神天北極繫念水西隅

丙屏如來地當陽造化鑪千年猶可想一絕定非諛昔
在中書省親聞大禹謨土階臨黼座文石上絲絢紅遶
當階藥陰雷一院梧不才持史筆有愧但書廚卜築隨
鯤徙囚山與鵬俱忘懷從北院歸命只南盧作賦先招
隱移文卒謝逋晚歸真發覆豈意辱噓枯黃屋南巡岳
侯圭畢會塗時持莘野鼎來采會稽菰聖主新更化羈
臣首辨誣書修天祿閣游竝道山儒汨沒顏容改因循
歲月徂此生甘泛梗餘論許分符節近書雲日輪驅畫
山朱川華冰片合山曲臥屏紆八臘占三白登雲展七

扶人家多露積村鼓不鳴桴身奉三年最魂收一紀逾
可無人歎息粗免鬼挪揄夜引星朝斗晨瞻日出嶠兩
旗歎潦倒五馬忘崎嶇巖瀨猶如睦崑山恐是蘇深憐
百口逐只辨四方餽旋磨魚千里彌縫金十奴何如今
守鵠猶愧舊官呵笏有看山挂歌無擊缶鳴江山真肺
臍魚鳥自葭葦正賴管城子能招墨客徒李梅詩格律
斑竹政規模事省囚寬繫年豐酒易沽近分天駟監遣
牧決波駟苗獮申軍法蕃宣奉帝俞校旗推妙手嚙鏃
視張弧杼軋絲雙繭篋包米一桴遇風專戒火聽雨甚

濟山集卷三
憂圩酒盞經旬把歌茵特地鋪賜金誇魏絳顧曲少周
瑜碩果園林密春山雨露濡木瓜紅鏤體銀杏綠勻膚
栗發風前罅柑垂霜後株蟻侵梨釀蜜盤走芡圓珠野
蕪多將稗春盤細翦蕞誰同九日菊難得一枝黃水閣
尋魚驚沙連合陣鷓愛閒多閉閣因事或操觚敏捷慚
銅鉢工夫體輓轡僧談曾接會老境合師瞿窗月重重
鏡松風一一竿飢冷佳境蔗旋鱸早秋鱸本是煙霞痼
何疑山澤癯計難出柏馬收必在桑榆舊事論新事今
吾非故吾意中不足致身外復何須朝市安能隱田園

久已蕪斯言誠有味端不減醍醐

陪崑山邑官遊慧聚寺

日暗蒲鉞綠風回柳影圓好山如有舊勝事頗相牽紺
宇欣畱屐炎官快著鞭神工盤岌巖妙手活蜿蜒奇甚
梁唐迹偉哉張孟篇皆寺中書故人逢異縣舊話說當年畱
滯江湖遠驚呼歲月遷還同一笑衆相與對牀眠筆向
晴窗染名垂漆榜鮮味腴知茗勝勢猛覺茶仙飛蓋干
霄上危欄挂斗偏壓雲雲掩冉待月月嬋娟二軒名石鏤
珍珠怪杉重翠幄妍迎風拳乳鵲盡力叫饑蟬雨脚斜

侵戶湖光遠拍天徐澆白玉釀笑折水晶蓮時節酒中
過襟懷物外緣安居豈城市避世必林泉好乞彈丸地
聊成痼疾煙山祇應許我木杪架飛椽

再次前韻

日走瞿曇宅殷勤問覺圓荷珠翻雨碎荇帶逆風牽安
步穿芒屨長驅斷蠟鞭臨深呼屬玉騎氣道蜿蜒前後
幾人到高情五字篇翩翩遺濁世落落度長年斷石崖
蜂出喬枝谷鳥遷端爲避暑去復作拂雲眠心曠風林
豁書乾棐几鮮丞方有公事尉亦從羣仙倚玉吾何幸

棲雲志未偏久知情澹泊不夢翠連娟晚日斜吹綺新
詩欲鬪妍微行窺沼鵠孤坐蛻枝蟬俯視千章木如臨
尺五天韻高巾墊角飲痛盞垂蓮小築堅前約茲遊定
昔緣欲誇山聳髻安得思流泉却恐樽無綠羣憂爨不
煙誰來助清興吹裂笛如椽

次呂居仁九日羣集韻

衣冠交上郡氣象有中州九日一尊酒千巖萬壑秋星
方聚吳分魚已躍王舟卽事感今昔乃情無去留晏時
俱出力濟勝合先謀北望邊風凜戎衣詎敢休

蔡侔羔羊齋二首

有生不釀羔羊酒無日不誦羔羊詩賢哉蔡子勇成癡
自勵要如三代時

其二

盡輸精白承休德政用詩書造太平略爲周家推在位
太顛閔天散宓生

題李成山水

好山誰定識真形著白山人眼最親半夜忽聞鐘有力
中書君召主林神

題陳幹燕公山水

電眼觀山老又真能分天造一層層直須壁華尊瀛手
始解鋪張入剡藤

石芥二首

古人重改陽城石吾輩欣聞石介名風味可人終骨鯁
樽前真見魯諸生

其二

長安官酒甜如蜜風月雖佳懶舉觴時送盤蔬還會否
與公新釀鬪端方

山芥

濕帶青煙古澗濱
氣含石理助芳辛
山中酒醒涼生腦
乞與文園渴肺人

南山觀雪二首

入山初與雪雲俱
坐定雲收雪亦無
不見舊時蒼翠色
換將粉墨作新圖

其二

南遊客上妙高峰
拄杖敲冰袖障風
卷起面前簾看雪
煙鬟渾插玉瓏琤

次韻書事四首

西風昨夜入庭梧
況味今年似舊無
想見防秋有長策
幽人真欲反吾廬

其二

聖朝始悟文章弊
大霧蒼更詩賦科
白藟黃茅供一
英豪人物未消磨

其三

熙寧事作崇寧樣
嘉祐政為元祐師
但得至誠行
坐令風俗似當時

其四

當年司馬溫公力今日宣仁聖烈尊哲后在天何處
要令元老雪沈冤

天申節二首

南來欣遇千秋節北向空馳萬里心永日清風吹
一杯聊見祝堯深

其二

明慶曉班催百辟鈞容仙部下層霄如今獨立薰風裏
却聽羣仙奏九韶

南華書事四首

珍重南華五色禽雲棲霧宿見無因雨中恐悞翩然出
我是閒人非貴人

其二

寫木杉從一寸栽參天次第可推排他年空翠橋邊路
來選承天八柱材

其三

真覺止能畱一宿桐鄉今已往連宵却將膏雨下山去
聊助南溟早晚潮

其四

夾樹繞春明
躑躅紫羅囊
筆綴辛夷花
枝照眼蒙清
帶雨遊山亦是奇

曲江漁者得鱖魚棄之目為師婆魚二首

巨口細鱗初出網
鱗皮玳瑁乃同斑
了無骨鯁人人喜
更擣鹽齏發笑顏

其二

溪友漁翁忍棄捐
却應游泳得長年
退方未識珍羞貴
不道楊憑已得仙

夜夢采選

榮辱悲歡翻覆手
競呼穴豁欲求功
大開眼作人閒夢
何況真成一夢中

惠崇蘆雁

我是江湖一漫郎
鴻飛鷺宿見行藏
西風吹盡蘆花雪
水驛雲程未易量

謝譚南恩寄六目龜

無了禪師劔草萊
清江使者六眸開
我今築屋虛空裏
亦復蹒跚出海來

乞雙峯山頻婆果二首

我昔南遊三眼國逢人一笑啟丹脣祇今重到孤峯頂
依舊丹脣一笑新事見華嚴三眼國
比上脣如此果

其二

我聞如來有佛眼結子成時速寄來從此慈悲脩廣目
得爭開處便爭開頻婆一名
佛眼果

延祥寺手植竹有甘露二首

聖主尊賢方側席此君凝露美如飴形容盛德書生事
請對佳祥著好詩

其二

穰穰天酒被脩篁的樂枝閒日射光豈為炎荒多熱惱
故教灌頂作清涼

月下對白菊二首

詩人月下見梅花著力形容極口誇若使月明中見菊
欲將何語為褒嘉

其二

飲冰嚙雪傳延年要比蟾宮桂子妍忽遇常娥蒙一盼
桂花未敢著鞭先

佛頭菊

我杖常扶佛面強我花今見佛頭香
靈山會上曾拈出一笑懸知是飲光

金盃玉盤菊

玉盤金盃世稱珍天酒瓊漿曉自盈
天爲我貧都乞我我雖不飲亦關情

桃花菊

菊花忽作桃花面放眼難看九月黃
花不見桃惟見菊又將紅雨學啼妝

雪見羞

菊名

白如白雪復何加豈有寒英勝六花
真是嶺南稀見雪花光勝雪喜無差

睡軒三首

意馬心猿不用忙睡鄉深處解行裝
華山聞有希夷子安得斯人與對牀

其二

諸公對弈我高眠此法非人不可傳
四脚碁槃皆黑子孝先從此便爭先

其三

風和日永飽食已雨急天寒戶不開遇此佳時無一事
搯牀高枕聽吟嘯

謝惠楊梅

杭州金氏越州楞撒火飛星五月春百果若重推貢士
風流應卜平津

南三首

百步長進步南屏堂上立移時明明萬象森羅處

詩

其一

早來風急絕塵靈掃地如鏡窗盡開昏明四望移延近
晝夜兩潮分去來

其三

正當晝永六十刻久坐僧齋烹雨前滿園菜花開向夏
一雙蝴蝶飛上天

寄題競秀亭二首

吳山越嶺老於行何地詠茅寄此情直使浮雲無一點
千巖應接始分明

其二

來往人傳客寢安問渠何事駐征鞍只應門外千山好
能使胷中百念寬

觀烏龍山瀑布三首

一日一夜雨如傾北山山頂垂天紳是閒去海只咫尺
緩流何用走跋踈

其二

五老峯前三峽橋不論時節聽飛潮那知冷落窮山裏
忽見晴空練一條

其三

漱石漱流俱可意濯纓濯足且隨時到江莫作滔天浪
妨我輕舟理釣絲

題搓線圖

誰言粉白但閒居紉補尙煩金十奴治得芬絲有條理
却嫌紅女未工夫

舍後汚池有小魚數百遷之於江

一泓已脫蹄涔水萬頃初驚廣莫鄉且向江湖成自在
幸因風雨得騰驤

雪霽捕魚圖

羣魚何日舉舟師玉海瑤山欲霽時正是嚴冬當設膾
老翁香飯必先炊

園中開牡丹一枝

天下花王都洛京清明寒食走香輶東君欲表南來意
一朵焉然尙典型

詠紫荆

紫綺曝仙衣只應不柰麻姑爪

鶴骨
獨領

有惠新醬及酒者

拾遺久住浣花橋生理誰能濟人毫攜醬藉糟來過我
故人惟有孟倉曹

聽鴿鈴

蓬蒿門巷久張羅豈有籠坊重客過天外鴿鈴驚午枕
兒童喚起聽長呵

次韻董令升四詠

尋幽亭

帝遣銀河下太微餘波散遶野人扉此行步步有佳處

盤礴孤亭試解衣

競秀亭

山陰道士頃留連
應接煙雲馬不前
君說江南亦如此
我難未到想當然

性樂堂

且置紛紛事百端
從公繫馬白雲邊
欲以太守樂其樂
山色溪聲得兩全

玉泉

至寶何年伏九淵
飛空散作玉聲琤
那知夜半騰朝采

長虹寫太清

嵩山集卷三

濟山集補遺

知不足齋輯錄

宋宋翌撰

賦

釣臺賦

導桐川而西驚發清興於孤篷覺水石之益隘疑滄江
 之路窮入壺中而天高渺煙霧之溟濛三老刺灘篙絕
 力殆猶蹈香林八節之峻而驚夫呂梁百步之洪也循
 江而上古木千章山如揜屏水若奩鏡雲氣往來而舒
 遲竹松堅瘦而鬱葱遠而望之物象之平淡豐腴也其



下必有石蘊奇璞淵涵夜光不然隱士高人之所棲止
游從者邪忽兩崖之對峙摩萬仞之蒼穹舟人指而告
予曰此漢嚴先生子陵之所從釣魚者也罷漿落帆滹
湯注茗再拜三奠顧瞻千古之高風昔西京之中微動
新室之饕興封豕長蛇恣啖百姓百姓之怒盤天糾地
無以挾其憤憤之胷偉白水之真人忽乘龍而馭雲傾
天河而洗六合回炎歷以再新天下定矣橐矢橐弓垂
衣拱手晏然端居於九重思我良友未知何之披羊裘
而釣於澤中者是邪非乎安居前道玄纁及門三聘而

來握手道舊考文叔之心猶非天下之至仁也四五年
閒沐雨櫛風親冒矢石躬擐甲冑則亦貪夫黃屋之至
尊樂夫天位之甚崇取神器如此之力又安肯捐天下
以與賢故其曰使眞成帝尙不可得其視唐堯許由固
知必不能同也下而三公之位加以大國之封與絳灌
以竝列則吾將乘桴而入海又安能俯伏跪起束縛以
黼黻華蟲也人之生世如夢一覺枕膝且臥而文叔不
曉聊加足於帝躬在天固以爲客星矣下視世閒亦聚
塊積蘇爾時出光景不意驚動夫漢庭諸公也惟彼東

南有江有湖有龜有魚放意煙波之外吾生蓋已有餘
矣風晨月夕竿線在手不避世以爲高不鍊形以爲久
優哉游哉深入鷗鷺之羣而得計魴鯉之藪也有蟠溪
之老人以垂白之衰容顧其釣而莫鉤特見夢於非熊
使文王開丕顯之基竝十人經濟之忠豈先生之好異
蓋不能作爲於書章教民以相攻也嗟世路之愈迫悵
弋人之慕鴻終結茅以爲鄰日香火之是供清泉白石
聞此言於樂天曉猿野鶴計不怨於周顛也
釣臺集錄補

詩餘

桃源憶故人

辰州泛舟送郭景文周子康赴行在

催花一霎清明雨畱得東風且住兩岸柳汀煙塢未放
行人去 人如雙鳳雲閒舉明夜扁舟何處只向武陵
南渡便是長安路

謁金門

道山亭饒張椿老赴行在

風露底石上岸巾愁起月到房心天似水亂峯清影裏
此去登瀛須記今夕道山同醉春殿明年人共指玉
皇香案吏

點絳脣

梅

鬲山集補遺

三知不足齋叢書

流水泠泠斷橋斜路橫枝亞雪花飛下渾似江南畫
白壁青錢欲買春無價歸來也風吹平野一點香隨馬

朝天措

五月
菊

玉臺金盞對炎光全似去年香有意莊嚴端午不應忘
却重陽 菖蒲九節金英滿把同泛瑤觴舊日東籬陶
令北窗正臥羲皇

生查子

詠摺
疊扇

宮紗蜂趁梅寶扇鸞開翅數摺聚清風一捻生秋意
搖搖雲母輕裊裊瓊枝細莫解玉連環怕作飛花墜

杜子美畫像贊

凌萬乘以崢嶸之氣貯千古以磊落之胸筆下有神洗
宇宙而一空者大哉詩人之宗乎東帶峨冠凜然似謁
肅宗而論房瑄神閒意定超然若溯瞿唐而上泛沅湘
而東也

隱居通
議錄補

范文正公畫像贊

并序

文正范公名在天壤功在社稷國史書之鐘鼎勒之
四夷百蠻傳之如神明天下後世仰之如日月山澤

之儒嗟歎不足仰瞻遺像再拜而為之贊曰
乾綱回薄妙變四時有大坤輿載厚不移其中
載一至其至維何天地則理巍巍文正國之著
父師以天下之重自任故舉萬鈞而若無以四
為心故甘百謫而不悔垂紳正笏聳秦華衡嵩
涸濡枯傾江河淮濟之利日月有時而食而公之名不
朽鐘鼎有時而盡而公之功不斲唐郭令公之武漢周
絳侯之氣吾儕小人手舌俱廢拜頽有泚求之夢寐隱居

通議錄補

銘

蓮葉研銘

玉井之泉泰華之峰有十丈蓮脫葉馳風化而為石淪
於深淵大澤之中碌以為研置之墨客子卿之宮涓涓
之澤沒世不竭是為元穎湯沐之封而日游戲於其閒
蓋相與託令聞於無窮隱居通議錄補

濤山集補遺終

濤山集補遺

五知不足齋鈔書

澗山集附錄
知不足齋輯錄
前輩記朱新仲舍人天氣未佳宜且住風濤如此亦安
歸之聯取其自然不煩斲削然新仲此等句尙多如招
郭侯飲云此時老子興不淺且日將軍幸早臨何以報
之青玉案我姑酌彼黃金罍凡引用前人語皆蟠屈排
奩使之妥帖他句如滿地落花春病酒一簾明月夜登
樓相親多謝風標子可款豈無蕭灑侯何從可覓秋消
息忽有先鋒到白蘋如水篆行科斗林妝妝嘒畫眉若不

澗山集附錄

知不足齋輯錄

後村詩話一則

前輩記朱新仲舍人天氣未佳宜且住風濤如此亦安
歸之聯取其自然不煩斲削然新仲此等句尙多如招
郭侯飲云此時老子興不淺且日將軍幸早臨何以報
之青玉案我姑酌彼黃金罍凡引用前人語皆蟠屈排
奩使之妥帖他句如滿地落花春病酒一簾明月夜登
樓相親多謝風標子可款豈無蕭灑侯何從可覓秋消
息忽有先鋒到白蘋如水篆行科斗林妝妝嘒畫眉若不

經思而俱出人意表讀杜詩云縱之逼論劍收之入檀弓尤前人所未發也

後村詩話續集二則

新仲題元英舊隱云五季浪拍天不覆漁翁船語意甚新不犯前人

潛山集多不經人道語此公讀書多氣老筆道題顏魯公像云千五百年如烈日二十四州惟一人朝衣視坎趨前死羽服行山即此身與客晚集云足下一來同晚步先生小住待村春春晴云四野綠迴春補闕亂山塵

淨雨脩容懶軒云經年不濯子春足半月纔梳叔夜頭止酒云搢紳處士議所以將軍貴人須畢之月夜云琉璃虛空甚圓滿紫磨山川更新鑄梅花絕句云姑射山頭冰雪仙人閒一見便豐年却應羞死琴臺女不得乃翁分一錢荷珠云客來切勿令觀此蕙苾猶能困伏波如大槐小草木偶芻靈朝采夜光立豹蹲跂口伐手談木上座麴先生千金子萬玉如童欺我老農報子春下巖研正焙茶皆的對

耆舊續聞一則

待制公朱十八歲時嘗作樂府云流水泠泠斷橋斜路
橫枝亞雪花飛下全勝江南畫白璧青錢欲買春無價
歸來也風吹平野一點香隨馬朱希真訪司農公載不
值於几案閒閱見此詞歎賞不已遂書於扇而去初不
知何人作也一日洪覺範見之扣其所從來朱具以告
二人因同往謁司農公問之公亦愕然客退從容詢及
待制公公始不敢對既而以實告司農公責之曰兒曹
讀書正當留意經史閒何用作此等語耶然其心實喜
之以爲此兒他日必以文名於世今諸家詞集及漁隱

叢話皆以爲孫和仲或朱希真作非也正如詠摺疊扇

詞云詞見補遺卷

予嘗親見橐本於公家今于湖集乃載此

詞蓋張安國嘗爲人題此詞於扇故也大抵公於文不
苟作雖游戲嘲謔必極其精妙嘗詠五月菊詞云詞見補遺

卷又與秦師垣啟雞鳴函谷孟嘗由是以出關鴈落上

林屬國已聞於歸漢蓋秦嘗留金庭未幾縱還旣而金
人復悔遣騎兵追之已無及矣公之用事親切多類此
遂得擢用

困學紀聞二則

朱新仲詠顏魯公云千五百年如烈日二十四州惟一人又詠昭君云當時夫死若求歸凜然義動單于府不知出此閒隨俗顏色如花心糞土

本草菊一名傅延年朱新仲詩三徑誰從陶靖節重陽惟有傅延年

揮塵後錄一則

朱新仲少仕江寧在王彥昭幕中有代彥昭春日畱客致語云寒日止數日閒纔晴又雨牡丹蓋十數種欲拆又芳皆習公帖與牡丹譜中全語也彥昭好令人歌柳

三變樂府新聲又嘗作樂語云正好歡娛歌葉樹數聲啼鳥不妨沈醉拚華堂一枕春醒又皆柳詞中語

隱居通議一則

朱新仲舍人烈自號省事老人初仕汴京南渡又仕於杭郡文采聲華傾動一時嘗得其別集觀之有所作范文正公杜子美畫像贊甚佳蓮葉視銘雖不及前二贊之妙然亦奇健贊銘見補遺卷

頤菴居士集

肆水盧氏重刊

文章之妙在有自得處而詩其尤者也此一法雖窮工
極思直可欺不知者有識者一觀百敗竝出矣四明劉
良佐先生盡力於詩惟石湖范至能獨深賞之每爲客
言客未必領也子曩時數遊四明獨不識良佐近乃見
其詩百篇車然自得者何其多也如頗識造物意長容
吾輩閒日晏猶便睡犬鳴知有人世事不復問舊書時
一看一夜催花雨數家鄰水村青山空解俱望眼濁酒
不能澆別愁覓句忍飢貧亦樂鈔書得味老何傷雖前
輩以詩得名者何以加焉因書其右他日有賞音如石

即卷五上集

蘇州文獻

湖者當知子言不妄云

慶元六年四月己亥山陰陸游序

夫詩何爲者也尙其辭而已矣曰善詩者去辭然則尙其意而已矣曰善詩者去意然則去辭去意詩安在乎曰去辭去意而詩有在矣然則詩果焉在曰嘗食夫飴與茶乎人孰不飴之嗜也初而甘卒而酸至於茶也人皆病其苦也然苦未免而不勝其甘詩亦如是而已矣昔者暴公譖蘇公而蘇公刺之今求其詩無刺之之辭亦不見刺之之意也乃曰二人從行誰爲此禍使暴公

聞之未嘗指我也然非我其誰哉外不敢怒而其中愧死矣三百篇之後此味絕矣惟晚唐諸子差近之寄邊衣曰寄到玉關應萬里戍人猶在玉關西弔戰場曰可憐無定河邊骨猶是深閨夢裏人折楊柳曰羌笛何須怨楊柳春光不度玉門關三百篇之遺味黯然而猶存也近世惟半山老人得之子不足以知之子敢言之哉今四明劉君叔向寄其父頤菴居士詩彙命子爲之序放翁陸務觀旣摘其佳句序矣子尙何言哉偶披卷讀至寂寞黃昏愁弔影雪窗怕上短檠燈又獨與梅花共過

冬淡月故移踈影去又睡魔正與詩魔戰牕外一聲婆
餅焦使晚唐諸子與半山老人見之當復一笑曰君處
北海吾處南海不虞君之涉吾地也何故居士名應時
字良佐

嘉泰元祀六月戊戌廬陵楊萬里序

頤菴居士集卷上

四明 劉 應時 良佐

投魏先輩二首

長驅決文陣眇古百戰場朔風吹梅花塞日淡無光一
將功業成千屯草木香高談靜寰宇袖手歸巖廊纍纍
屐下印奕奕眉閒黃霖雨四海心鼎鼎衆口嘗園林多
勝事豈久居其旁縱令猿鶴怨出處庸何傷

跼跼飛鷺墜瀝瀝風瓢聲青冥不折桂澗阿甘采苓跟
躑憶束髮忽焉迫衰齡嚼蠟心忘味胡爲羨久生藹藹

春空雲聚散無根蒂縱得屠龍術孰爲苞桑計稽首問
彌伽輪字煩舉似

次韻聞人參議來賢巖

僊事不可考靈蹤閔幽微我懷采芝人寤寐心目怡松
陰月華冷竹露晨光晞福地萃七賢語屑落霏霏鳳鳴
悵莫聞鶴駕邈難追斲石出秀句神物尙憑依眷茲元
雲英挺然柱石姿孰能鞭萬牛挽此歲寒枝臧孫信有
後深慰魯人思

寄張武子

霽月耿東南流光淨如洗幽人懷夜光掬水弄清泚春
雲多態度蒸溫出山麓舒卷無定蹤形容勞遠目可入
古錦囊多乎斯二者造物發天藏筆端妙掬治我具擇
法眼僅得窺一斑恨無餐玉法謾入藍田山別來歲月
換倏如飛鳥過升沈不足數交誼果如何夜牕溫露氣
策策秋聲高假寐發永歎念遠心忉忉

辛亥季冬雪中作

凍雲橫山風卷沙槎牙古木鳴寒鴉長空黯淡常如晚
煙景淒迷亦自佳開窗未及一食頃翦水俄飛六出花

須臾勢欲傾天地粲然枯卉皆瑤葩江村景物堪入畫
漁翁蕩槳依枯葭重裘肥馬誰氏子銀鞍蹀躞山路斜
矐儒事業政不惡擁書至樂何以加團欒共向檣柁火
溫然春意生吾家不能半夜縛元濟亦懶扁舟泛若耶
灑窗八竹有餘韻頓覺詩興清無涯

讀放翁劍南集

少陵先生赴奉天烏帽麻屨見天子乾坤瘡痍塞日慘
人煙蕭瑟胡塵起八月之吉風淒然北征徒步走三川
夜經戰場霜月冷纍纍白骨生蒼煙五載棲棲客蜀郡

騎驢日候平安信喜聞諸將收山東拭淚一望長安近

瞿唐想見放船時回首夔府多愁思蜀人至今亦好事

翠珉盛刻草堂詩放翁前身少陵老胸中如覺天地小

平生一飯不忘君危言曾把姦雄掃公以剛定官輪對論楊和王事周

流斯世轍已環一笑又入劍南山酒杯汲盡錦屏秀孤

劍聲鏘峽水寒萬丈虹霓蟠肺腑射虎膾鯨時一吐我

雖老眼向昏花夜窗吟哦雜風雨少陵閒關兵亂中放

翁遭時樂且豐飽參要具正法眼切忌錯下將母同茶

山夜半傳機要斷非口耳得其妙君不見塔主不識古

雲門異時衣鉢還渠紹

次韻李仲南木犀

幽人何所爲兀然坐詩窮萬事不復理吟哦四壁空少
皞從西來天宇淒其風羣芳漸搖落桂子開墻東寒蟾
駕璧月老翠高峯羣景物爾獨勝色香誰與同豈藉紅
裳女徒費丹砂工不受黃金恩桃李誰爭雄風漪卷輕
碧斷霞曳微紅清風襲衣袖薄采喧兒童王孫亦好事
乘興賞珍叢笑掬黃金藥糝綴光玲瓏山村酒可勸恍
如入新豐胡不抱琴去一飲醉其中露濕月華冷風約

零雨濛靜言參鼻觀身在廣寒宮

感事贈周子壽二首

毛遂處趙庭囊穎初不起昭君在匈奴畫工一夕死取
士無取名名下非真士哀絃有餘音爲君聊洗耳
丹丘有鸞鳳天朝思羽儀祥風挽不前簫韶將致之我
生幸良覲九苞容一窺矯首望阿閣自笑槍榆卑

史太師病愈未果走賀誕辰伊邇作古詩三首寄

之

真隱出人間了此一大事堯舜旣授受邊障息烽燧袖

手辭鈞衡澹然不色喜高臥北山雲戲掬西湖水
真隱愛西湖居然來卜宅春波自溶溶秋林何策策密
邇城市居復與囂塵隔開窗放月入好句來几席
真隱道骨堅能禦陰陽寇不藉盧扁術自得喬松壽香
馥東籬菊樽餘北海酒裁詩千百篇年年登衮繡

讀漢史

彭蠡萬頃波胥江八月濤所蓄蓋有素末流故滔滔君
子貴養源毋事駕說勞漢祖過百人心動疑貫高田孟
天下士其忍負趙敖處死且不難視身如鴻毛髡鉗吾

何畏義命豈忍逃乘輿忽至止興運有所遭俛首與之
語議論誠英豪回視漢廷臣誰能出爾曹即日拜守相
泥塗升九臯大閑不可踰四維在所操我觀忠義傳榮
於華袞褒置君如弈棋百歲猶腥臊

和史魏公酬北山壽老

黃髮了國事歸來雙頰紅園林白日靜樂事何豐融更
許柏庭友來依春桂叢境勝香山遠辭高支遁同眷茲
達尊地綽有古人風梅林洗煩暑霽色摩蒼空煙霞琢
秀句咀嚼味無窮徒紀盛山燕未羨昌黎公

冬夜

濁酒有真味軟火如春和跼居身懶動卒歲養微疴世境淡無染心源湛不波舍爾短檠樂如此良夜何

山行

春光淡心目乘興聊躋攀頗識造物意長容我輩閒橫拖拄杖去笑折梅花還彼哉鐘鼎樂不在山林閒

幽居

煙重柳腰困雨肥梅臉腴夜牕無鎖鑰晨起燕衣巾日晏猶便睡大鳴知有人西家新釀熟祀竈請比鄰

江村

前山疑抹黛多稼欲成鷲水滿蛙登岸橋危馬蹙蹄風高帆腹壯雨霽月眉低杖屨投村舍兒童指舊題

春暮

愁裏青春去年來白髮加細書欺老眼軟飯愜衰牙寧夢穴中蟻不疑杯裏蛇南窗時隱几一縷篆煙斜

獨飯

雲破日將西村深鷄自啼撐船傍林樾獨飯寓招提山柿淡無味園蔬嫩可割滿抄雲子白心事愧鋤犁

舟行

小艇出前浦槐陰覆小橋雲垂疑有雨水穩不通潮山
色綠自足汀花細可描枕書篷底臥欵乃認歸樵

別李簿

執手江亭晚回驂澗谷深碧山銜落照煙樹鎖愁心空
鑄黃金泪誰知白雪音殷勤囑魚雁他日莫浮沈

入夜

入夜雨聲細小窗燈影寒僻居成懶惰飽食幸平安時
事不復問舊書時一看欣然會心處香燼一爐殘

旅舍

草市欲黃昏吾行恰到門僕夫思憩息燈火喜溫存一
夜催花雨數家臨水村征途雖得句默坐與誰論

耳聾

嘆昔英豪氣俄成一老翁近年頭盡白今日耳尤聾品
位無丞職是非隨曉風難陀能反聽梢境已消融

生日

屏迹衡門下衰遲愧始生兒曹於此夕杯酒致歡情來
日苦無幾餘生累漸輕樂親惟養志外物本非榮

登樓

圖書粲東壁星斗下西樓滿座襟懷爽一輪風露秋雲
山遺古意江漢洗詩愁更欲騎黃鶴相隨汗漫游

山居三首

行年當耳順涉世尙心勞倦矣歸三徑皤然愧二毛
詩羞茗供爲客釀松醪晚照橫籬落呼兒課楚騷
小小園林畔蕭蕭叢薄閒茅簷頗幽隱竹徑自回環
犬吠溪頭客日銜窗外山遺編淡相對身世覺高閒
雨濕茅茨暗日長天氣溫心閒忘物累足懶出柴門風

靜雲收脚山高月露痕兒童展編簡燈火又黃昏

辛亥長至後二首

老去驚時序冬溫少五陰心閒知物理陽復見天心
聖主成郊禮寰區返德音病夫思贊善擁褐發長吟
遙想清臺上已書雲物祥自慚身老大漸喜日舒長
芹泮三益友芸窗一炷香此閒無俗物貧病亦何傷

頤菴居士集卷上

頤菴居士集卷下

四明 劉 應時 良佐

秋夜書懷

金行肅物歲功成銀漢西斜夜氣清淡月似為吾輩款
短檠深見古人情候蟲促織巧能語露葉墮林微有聲
自笑何為法天運祇將心事卜前程

杜宇

花殘葉密過芳春江北江南煙水昏何處飛來惱歸客
小窗夢破正消魂月明聲在溪橋側雨後人行綠樹村

啼得崔郎腸欲斷桃花顏色悵何存

酬平上人

比隣鷄犬寂無聞煙際微風起夕曛腸斷梅飄千樹玉
眼寒麥浪一溪雲拙於生計無如我老矣情親獨有君
佇立茅簷一椽首扶春夢月與誰分

平有夢月
扶春二亭

夜坐有感

躬耕谷口未為貧安得生涯似子真平日固知窮有鬼
年來更覺老欺人短檠頗怯蠅頭字蠹簡時揩鼠迹塵
兒女豈知黃卷樂苦嫌無補費精神

喜會故人

邂逅相逢不作難地爐握手話悲歡朝廷已重相如賦
朋舊猶嗟范叔寒翦翦秋花多勝韻疊疊霜實尙微酸
小春天氣能來否同訪山家苜蓿盤

遣懷

自笑平居氣吐霓柔榆暮景轉淒迷縱云舉世無青眼
敢忘終身誦白珪風藥弄香依水出凍雲銜雪壓簷低
兒童不識人懷抱苦傍寒窗讀鳳兮

送張尉至丈亭

文亭亭前暫艤舟寒濤拍岸江煙收青山空解供望眼
濁酒不能澆別愁春到踈籬梅蘂破帆歸別浦浪花浮
分攜情緒翦不斷有愧悠悠波上鷗

過田家

鳩鳴桑樹雨還來且得農夫笑口開雖曰田疇多再植
定須天氣作重梅江魚欲買全無鱸社酒堪篋旋潑醅
更遣兒童炊麥飯殷勤相勸且徘徊

次韻范至能尋梅

藜杖扶人趁雪乾玉虹倒影落前灘竹籬短短溪頭路

雲木荒荒日暮寒每愧清香畱我住苦無佳句與人看
孤吟不肖空歸去霜月侵衣興未闌

喜兒輩歸寧

凜凜寒威欲挾綿稜稜病骨只忻眠燈花璀璨人歸後
雲色蒼茫雪作天百歲光陰寧有幾四時飲啄且隨緣
擁爐莫厭團樂樂節物崢嶸又一年

春晴

簾幙低垂清晝長弄晴梅柳拂鄰墻春光潑眼何明媚
幽鳥窺人自發揚覓句忍飢貧亦樂鈔書得味老何傷

舍南舍北無人到閉閣時焚一炷香

病中偶書

老來嬾與俗浮沈何況厭厭病日侵身外閒愁總餘事
世閒無藥勝安心雨餘秋色淒然冷風弄晚雲晴復陰
習氣難除還自笑小窗時有短長吟

聞范至能句祠二首

自是清都紫府人偶來應見宰官身諸公有類隨陽鴈
此老方爲透網鱗環轍已償行去脚擁書更結未來因
石湖雖有閒風月誰許深藏寂寞濱

壬伸知己近來無得此吾慚上大夫酷愛新詩成異遇
每於廣坐語諸儒旣紆北顧思歸矣聞返西州有是失
便欲挈舟去相訪推篷邀月夢江湖

祐上人製紙帳作詩謝之

老來何物是生涯一榻條然亦自佳睡裏山禽弄霜曉
夢回明月上梅花頗知常侍嫌烏布未羨先生坐絳紗
最愛灑窗風雪夜道人施法復何加

九日

吟懷祗恐負嘉期不憚登高脚力疲滿眼闌愁淡秋色

長箋入手粲明璣興來不省風吹帽醉後何愁酒濕衣
欲和藍田無好語笑按黃菊帶香歸

石菖蒲

十年夢不到上壑清坐喜看寒瘦姿玉立一峯森黛色
虬蟠九節漾風漪涓涓月露欲生處漠漠溪雲未散時
却笑輕狂桃李眼矐仙風韻不能窺

山行

瘦藤慚愧肯相攜不怕微茫雪意低晚照荒荒迷遠岫
濕雲漠漠度前溪雖無酒力禦寒色且向梅花覓舊題

漫說孔堂多勝事何如正壑小幽棲

雨後訪山家

一雨及時晴不住江村農父話誼誨旋炊麥飯非常飽
笑指田田不置車有眼何曾識朝市逢人只喜話桑麻
此閒賸有漁樵地容我旁邊著一家

病中和被堅老

老去光陰苦不多孰堪疾病數驅磨也知溪上春光好
柰爾牀頭藥何日永茶甌頻索喚睡餘詩眼旋揩摩
客來怕說人話古井須知已不波

山居

淺淺溪流短，籬碧雲深處。小茅茨想無俗子，知蹤跡。
小款梅花細說詩。

秋郊

柿葉飄零滿屋陰，半山銜日落。墟睡餘不覺，西風急。
亂我牕前數板書。

過飛龍別業

垂空小雨濕，石一嶺穿雲。石逕斜燕子飛時，春欲暮。
斷雲煙水渺無涯。

史魏公東湖別墅二首

雲抹山容疑潑綠，月涵波影自搖金。丈夫出處如雲月，
安能識此心。

徜徉春波上，徙倚石樓煙。靄閒只恐蒼生待霖雨，
未容謝傅老東山。

早行

登輿睡思尚昏昏，斗柄銜山月在門。鷄犬未鳴潮半落，
草蟲聲在豆花村。

春晚二首

國朝九三集卷一
天氣清和晴復陰
醱醱堆雪笋
抽簪誰知老去傷春意
自把茶甌當酒斟

子規聲裏正斜陽
風過斷橋流水香
頗怪影侵書帶綠
弄晴柳色過鄰牆

萱花

碧玉長簪出短籬
枝頭腥血耐炎暉
北堂花在親何在
幾對薰風泪濕衣

開窗

檐前分得小窗明
便覺翛然眼界清
香燼一爐書滿几

世間何物可關情

西郊二首

紫槿綠籬愁意深
斜陽墟落動秋砧
筆端有口江湖遠
莫寫干時老子心

薄雲斜日媚平川
一老來耕刈後田
向晚歸牛尋熟路
擺頭昂鼻不須牽

懷瑩上人

半路梅花作峭寒
懷人無地著愁酸
幽居獨得春風力
補綴林塘漸可觀

國朝居二集卷下
梅林卽事四首

入眼溪山記舊遊春風籬落只供愁斷腸
蕪蕪飄香雪
短竹一聲誰倚樓

瘦減腰圍儘不妨豈堪三篾束枯腸
自憐尚有風流債
酷愛斷橋流水香

藜杖緣溪轉小橋背風深處似相招
兒童指點皆驚怪
喚作枝頭雪未消

竹塢松溪雪半埋興來無處著吟懷
茅檐盡出橫斜影
寂寞黃昏月上堦

懷怡雲平老三首

江湖夢斷十年餘尙記寒窗誦子虛
回首扶春亭下路
別來風月果何如

晚陰分暝與幽牕心旆搖搖不可降
隱几正爲上壑夢
半隨柔櫓過滄江

柔桑已密吳蠶老簾幕低垂燕子飛
想見石欄斜點筆
海雲深重濕山衣

曹直夫水石短軸二首

奔流出峽響如雷筆力浮天亦壯哉
吳興亡千古恨

白鷗時逐浪花來

清風斂霧入巴山春漲擁人釣月灣
欠箇小舟青箬笠
著優長在水雲閒

義上人歸自武林戲作四偈

十載江湖寄此身足香慣踏軟紅塵
夢回一笑知何有
穩臥家山寂寞濱

行脚從來笑趙州草屨踏破竟何求
百千三昧無窮義
不出頤菴拄杖頭

老去居然嬾出門故鄉零落暗消魂
歲寒道義唯松竹

東溪沙水村

身世總爲閒伎倆生前須了惡因緣
把茅約子歸雲壑
品字柴頭坐說禪

謝香山禪師惠水巖新茗二首

雨暗水巖春意濃尙思采采隔珍叢
睡魔正壓眉稜重
珍重南屏信息通

趙州古佛不同時賴有斯人慰所思
搜攪枯腸無一物
夢回石影上花枝

春日卽事三首

春來九雨一日晴藜杖扶人出戶庭柳色冑如衰俗眼
向人還似舊時青

野草閒花無姓名踈籬幽逕漸敷榮貧居閱盡人間事
只有東風不世情

二月風光漸惱人蒙茸細雨濕花脣可憐病目常憔悴
無看紛紛萬卉春

頤菴口占

餐即觀書困即眠飯餘香燼濕茶煙客來莫說人閒話
是是清貧無事仙

遣懷二首

小桃無力困東風似整殘妝睡思濃老子愁腸正如結
蒼苔滿地點殷紅

蕭蕭叢薄倚頽垣頗覺舒長春晝喧搜攪枯腸無好語
等閒日影過前軒

縣庠直舍

午日已過人寂寂虛齋獨坐竹蕭蕭睡魔正與詩魔戰
世外一聲婆餅焦

早起

斗轉星稀夜欲闌
月魂斜墮屋頭山
鷄聲喚起十年事
盡在吟窗一枕閒

卽事

暖雲芳草媚晴川
花正嬌春柳欲眠
老景侵尋生事拙
舊巢歸燕自相憐

送人還會稽

稽山佳趣勝蓬瀛
橘里漁樵畫不成
我欲鑑湖分一
願君先與白鷗盟

郊行三首

少日襟懷眇古今
凶年樂歲不關心
自憐老去多憂國
白水田頭問淺深

西郊穡事欲迎秋
旱魃肆兇猶未收
卷地黑風吹雨散
稻花飄蕩滿天浮
茫茫阡陌起黃埃
喜望片雲銜雨來
霖霖未施風不息
依然白日照樓臺

霞外亭二首

詩眼眈眈細入荒
小亭徙倚濕山光
飛鴻影落遙岑外
興與飛鴻更渺茫

數椽屹起枕林丘雲葉蕭蕭萬木秋一縷殘紅曳微日
渺然天際見歸舟

雪夜二首

迎春寒色愈嚴凝小閣爐殘冷欲冰寂寞黃昏愁弔影
雪窗怕上短檠燈
浮雲著眼不畱蹤獨與梅花共過冬淡月故移踈影去
斷雲誰杵暮山鐘

山中三首

始看紅紫上花梢倏忽春光半已消最是幽牕斷魂處

杜鵑啼月過山腰

伏櫪已無千里志臥雲聊作一枝棲田翁笑喜桑麻長
山北山南雨意低

年來世路愈閒關且喜兒童放我閒百歲光陰無一半
菘衣能得幾時斑

聞張逸人訃二首

去馬來牛閱幾秋濁涇清渭只同流斷絃挂壁知音去
旋撲塵編有許愁

梅子黃時麥已秋野塘高下水爭流小窗聲切哀鴻鴈

